

հետքը, այն ազդեցութիւնը, ինչ նա կարող էր թողնել և ունենալ՝ եթէ միայն հեթանոսական շրջանն էլ կարողանար ստեղծել արտայայտութեան այն ձևը, որ տուեց մեզ քրիստոնէական շրջանը, եթէ հեթանոսական շրջանն էլ կենսունակ լինէր իր քաղաքակրթութեամբ բարձրացնել ժողովուրդը մինչև ազգային լեզուի կազմակերպութեան անհրաժեշտութեան պահանջը:

Այդ, նախաքրիստոնէական շրջանում հայերը միջոց չունէին ուրոյն կերպով զարգանալ, ստեղծել իրենց քաղաքակրթութիւնը, որովհետև նրանց լեզուն դեռ չէր ստացել հարկաւոր կազմութիւնը, և նրանք շարունակ գտնուում էին իրենց գրացի ազգերի ուժեղ ազդեցութեան տակ և կապկորէն ընդօրինակում էին, անգիտակցօրէն ընդունում ասորոց, պարսից և յունաց քաղաքակրթութեան արտայայտութիւնները:

Հայ մտաւորականը այդ շրջանում չունէր ուրոյն մտաւոր կեանք. նա ապրում էր երեք ազգերից մէկի մտաւոր կեանքով. իսկ հայ ժողովուրդը՝ ինքնագիտակցութեան զգացմունքից զուրկ՝ կուրօրէն հետևում էր օտար քաղաքակրթութեան շուրջին:

Ճիշտ է, ասորոց, պարսից և յունաց փայլուն զարգացումը, նրանց քաղաքակրթութեան բարձրութիւնը անկարող էր առանց ազդեցութեան անցնել գրացի հայերի վրայ, որոնք համեմատած այդ ժողովրդի հետ միշտ փոքր էին և թոյլ, բայց եթէ հեթանոսական շրջանում հայ ժողովուրդը ունենար կուլտուրական այնպիսի մի զորեղ արտահայտութեան ձև, որպիսին է մայրենի գիրն ու գրականութիւնը, ապա այդ ժողովուրդը վերցնելով գրացի ազգերից նրանց բարձր քաղաքակրթութեան պտուղները կարող կլինէր մարտել այն, վերամշակել և իր քաղաքակրթութեան հետ ձուլել, նրա մի մասը դարձնել, ինչպէս որ արեց յետագոյ—քրիստոնէական շրջանում:

Հեթանոսական շրջանում հայ ժողովուրդը գործ էր անում իր դրացի ժողովուրդների—ասորոց, պարսից և յունաց զրեքը, ապրում նրանց դպրութեամբ:

Սրբ չորրորդ դարու առաջին տարիներին քրիստոնէութիւնը մուտք գործեց հայաստան—նոյն դրութիւնն էր տիրում:

Նոր վարդապետութեան քարոզողները ստիպուած էին օտար լեզուով ուսուցանել—կարդալ Աւետարանը, ժողովրդին անհասկանալի լեզուով աղօթել Աստծուն, Ս. Լուսաւորիչ և նրա ժառանգներն ու հետևորդները իրենց քարոզչական-վարդապետական ճանապարհորդութիւնների ժամանակ հէնց առաջին քայլից հասկացան մայրենի գրի ու եկեղեցական գրականութեան բացակայութեան պակասը. նրանք ստիպուած էին կարդալ ասորերէն աւետարանը և ապա թարգմանել, հասկացնել հայ ժողովրդին: Ուսուցանելու այսպիսի ձևը չէր կարող նպաստել քրիստոնէութեան տարածման, և իսկապէս՝ մօտ հարիւր տարի այս նոր վարդապետութեան դէմ յամառ դիմադրութիւն ցոյց տուեց հեթանոսութիւնը և շատ ու շատ զոհեր պահանջեց նրանցից. նոյնիսկ Ս. Կրիզոստ Լուսաւորիչ սերունդը այդ կռոււմ տուեց մի շարք նահատակներ՝

ինչպէս ևն Արիստակէս, Վրդանէս, Զուսիկ և յլլք:

Քրիստոնէութեան ամրապնդման, նրա վերջնական յաղթանակի համար Հայաստանում՝ անհրաժեշտ էր ժողովրդին հասկանալի լեզուով աւետարան, նրան հարապատ գրերով ժամասացութիւն:

Ահա այդ կարիքի ծնունդն էր հայկական գիրն ու գրականութիւնը, քրիստոնէական քաղաքակրթութեան այդ փայփայած զուակը:

ՍՐ. ՄԵՍՐՈՊ ՄԱՇՏՈՑ
ՍՐ. ՍԱՀԱԿ ՊԱՐԹԵՒ

Այսօր տօնուում է հայկական տառերի գիւտի 1500 ամեակը և սպազորութեան խօսքի 400-ամեակը: Անշուշտ բոլորս էլ ծանօթ ենք մի պատմութեան այդ փայլուն էջերին, գիտենք և ճանաչում ենք ս. Մեսրոպ ու Սահակին, Աբգար դպրին, բայց թող մեզ ներուի այսօր կրկին վերյիշելու այդ նշանաւոր ու մեծ մարդոց անցեալը, տալու այստեղ նրանց մասին կենսագրական՝ թէկուզ շատ համառօտ նկարագիրը: Չէ որ այսօրուան յօրելեարները նրանք են:



Սր. Մեսրոպ Մաշտոց

Մեսրոպը Տարօն գաւառի (այժմեան Մուշի) Հացեկաց գիւղի Վարդան շինականի որդին էր: Նա իր ուսումը ստացել էր Ներսէս Մեծի հիմնած դպրոցներից մէկում և մանկութիւնից վարժուել էր յունաց լեզուին, գիտէր նաև ասորերէն և պարսկերէն: Երիտասարդ ժա-

մանուկում անցնելով Այրարատեան նահանգը Խոսրով III-ի օրով մտել էր զինուորական ծառայութեան, ուր իսկոյն և եթ աչքի էր ընկել ուսումնասիրութեամբ և բարեկիրթ կեանքով: Եռտուր թողնուած է զինուորական ծառայութիւնը և ստանձնում Առաւան իշխանի հազարապետութեան օրով՝ արքունի դիւանապետի պաշտօն: Բայց այդ պաշտօնական պաշտօնն էլ չգրաւեց նրա ուշադրութիւնը և նա թողեց արքունիքը վաճառ մտնելու համար:

Այդ միջոցին հայոց կաթողիկոսն էր Ներսէս Մեծի որդի Սահակ Պարթևը, որը Հայաստանի այդ խառնակ ժամանակ իր ամբողջ ուշադրութիւնը կենդրոնացրել էր ժողովրդի մէջ ամբապնդելու քրիստոնէական սէրն ու հաւատը: Նա սիրով եկեղեցու գիրկն ընդունեց Մեսրոպին և նրա ձեռքը տուեց քարոզչական ցուպը:

Մեսրոպը իր շուրջը ժողովելով մի խումբ աշակերտներ՝ սկսեց շրջել Հայաստանի բոլոր վայրերը, այցելեց ամենավայրենի գաւառները ուսուցանելու Աւետարանի խօսքը: Բայց իր քարոզչական շրջագայութեամբ նա հանդիպեց մեծ դժուարութիւնների: Թէև հայերի պաշտօնական կրօնը քրիստոնէութիւնն էր, սակայն նա չէր կարողացել գեղև ամուր արմատներ ձգել և երկրում տիրում էր կռապաշտական սովորութիւնները: Մեսրոպը, իրբև զգայուն և խելացի մարդ, զգաց թէ որտեղից է գալիս ամբողջ դժուարութիւնը, իրբի այսպիսի դրութեան պատճառը:

Հայ եկեղեցին չունէր մայրենի դպրութիւն. նոյնիսկ Աւետարանը կարդացւում էր ասորերէն կամ յունարէն և ապա թարգմանում ժողովրդին, և որովհետև գրագէտների թիւը շատ սակաւ էր, ուստի և Քրիստոսի վարդապետութեան տարածումը կատարւում էր շատ դանդաղ և ժողովուրդը միջոց չունէր անձամբ ծանօթանալու Ս. Կրքի հետ: Ահա այդ բոլորից Մեսրոպի մէջ միտք յղացաւ հնարել մայրենի գրեր, ստեղծել ժողովրդի լեզուով եկեղեցական գրականութիւն:

Նա վերադարձաւ Վաղարշապատ և յայտնեց իր մտատանջութիւնները կաթողիկոսին, որին նոյնպէս տանջում էր նոյն միտքը: Սահակ Պարթևը խորհրդակցեց այդ մասին Վասակ Մանուկի թագաւորի հետ, որը պատմեց թէ Միջագետքը հղած ժամանակ Գաննիէլ ասորի եպիսկոպոսի մօտ նա տեսել է հայ լեզուի տառերը:

Վասակ Մանուկը թագաւորը անսալով Ս. Սահակի և Մեսրոպի թախանձանքներին Միջագետք ուղարկեց արքունիքի պաշտօնեայ Վահրիճ Խաղունի, որը Հարէլ քահանայի օգնութեամբ գտաւ Գաննիէլ եպիսկոպոսին և բերեց հայկական գրերը Հայաստան:

Սահակի և Մեսրոպի սկզբնական ուրախութիւնը շուտով տրամուլթեան փոխուեց, երբ առաջին փորձերից և եթ պարզուեց, որ Գաննիէլի մօտի գրերը չեն համապատասխանում հայ լեզուին և որ այդ գրերը մի ինչ որ հին լեզուի գործածութիւնից անցած գրեր են:

Մեսրոպը՝ մի խումբ աշակերտների հետ մեկնեց Միջագետք, յուսալով թէ Գաննիէլ եպ. մօտ կը գտնի պա-

կաւ հնչիւնները, տառերի մնացորդները: Բայց Գաննիէլի մօտ նոր բան չգտաւ:


Նա իր աշակերտների մի մասը ուղարկեց Սասնոսատ քաղաքը՝ յունարէնը ուսումնասիրելու, իսկ ինքը գնաց Եդեսիա, ուր նրան լաւ ընդունելութիւն ցոյց տուին Ակակիոս և Բարեւա եպիսկոպոսները: Իր աշակերտներին նա տեղաւորեց ասորական դպրոցներում այդ լեզուն սովորելու, իսկ ինքը անձնատուր եղաւ իր փայփայած մտքին՝ աշխատելով տեղական մատենագարանում:

Ահա այդտեղ նա երկար աշխատանքից ու տքնութիւններից յետոյ գտաւ մեր մայրենի լեզուի գրերը և մեկնելով Սասնոսատ՝ յայտնի յոյն գիտնական Հոսոփանոսի հետ կարգադրեց հայերէն այբուբենը և իր աշակերտների հետ դարձաւ հայրենիք:

Յնձուլութիւնն ընդհանուր էր: Վաղարշապատում թագաւորը, կաթողիկոսը և ժողովուրդը ընդառաջ կան մայրենի գրի հեղինակին ցոյց տալով արքայապայել ընդունելութիւն:

Տառերի գիւտի հետ սկսւում է գրական եռանդուն գործունէութիւն, դեկալարութեամբ Ս. Սահակի և Մեսրոպի: Անձնապէս Ս. Մեսրոպը հեղինակել է Մաշտոցը (ժիւարան), Ապաշխարութեան շարականները և այլն:

* * *



Ս. Սահակ Պարթև

Սր. Սահակ Պարթև

Սահակ Պարթև Ս. Լուսաւորչի ցեղիցն էր, Մեծն Ներսէսի որդին: Նա իր կրթութիւնը ստացել էր Կեսարիայում, ապա Բիւզանդիոսում: Մատաղ հասակից՝ հօր ազդեցութեան տակ, նրա մէջ արմատ է ձգում կրօնական

չիրմեռանդութիւնը և ժողովրդին ծառայելու սէրը:

Երիտասարդ հասակում նա ամուսնացաւ, Լուսաւորչի սերունդը անժառանգ չթողնելու համար, բայց արու գաւակ չունեցաւ: Երա միակ դուստրը՝ Սահականուշը կնութեան սուեց Համազասպ Մամիկոնեանին, որի որդին էր, ի միջի այլոց, Քաջ Վարդանը: Բայց կենդ մահաւանից յետոյ, կուսակրօնութիւն ընդունեց՝ իր շուրջը ժողովելով 60 շափ աշակերտներ: Ակզում ճգնաւորական կեանք էր վարում—ծոմով և աղօթքով անցնում իր օրերը, մազեղէն էր նրա հազուաւար: Այսպիսի բարոյական ու ջերմեռանդ կեանքը մեծացնում էր Ս. Սահակի հեղինակութիւնը ժողովրդի աչքում, գրաւում ժողովրդի սէրը: Ուստի Ասպուրակէս կաթողիկոսի մահից յետոյ Խոսրով Գ. Թագաւորի և ժողովրդի միաձայն հաւանութեամբ հայրապետական աթոռը բարձրացաւ նա:

Սակայն քաղաքական դէպքերը յոյն պարսկական մրցութեան պատճառով այնպիսի ընթացք ստացան, որ Խոսրովը՝ լքուած նախարարների կողմից և պարտուած պարսից զօրքից՝ գահընկէց եղաւ, իսկ Ս. Սահակը, Թագաւորին պաշտպանած լինելու համար, զրկուեց հայրապետական աթոռից: Հայոց Թագաւոր նշանակուեց Երա եղբայր Վառնապուհը, որի ջանքերով և խոհմտութեամբ Ս. Սահակը նորից բարձրացաւ կաթողիկոսական գահը:

Սակայն մենք չենք տալ այստեղ Ս. Սահակի քաղաքական գործունէութեան պատկերը, որքան էլ այն հետաքրքիր լինի, որովհետև այսօր նա մեզ հետաքրքրում է իբրև Ս. Մեսրոպի գործակիցը տառերի գիւտի ժամանակ և մայրենի գրականութեան զլիւաւոր հիմնադիրը:

Երբ Ս. Մեսրոպ մայրենի տառերի անհրաժեշտութեան մասին իր մտքերը յայտնեց Ս. Սահակին, որ այն ժամանակ կաթողիկոս էր, վերջինս Վառնապուհ Թագաւորի ուշադրութիւնը հրաւիրեց Ս. Մեսրոպի մտատանջութիւնների վրայ: Եւ Ս. Սահակի միջնորդութեան ու հովանաւորութեան շնորհիւ էր, որ Միջագետք ուղարկեց նախ՝ պալատական պաշտօնեայ Դանիէլ ասորի եպիսկոպոսից հայերէն համարուած գրքերը բերելու, և ապա՝ հէնց ինքը Ս. Մեսրոպ իր աշակերտներով տառերի ստեղծագործական աշխատանքներին նուիրուելու:

Տառերի գիւտը արեց Ս. Մեսրոպ, բայց ս. Սահակ տարիներ տեղոյ այդ աշխատանքների ժամանակ այնքան մօտիկ ու քաջալերիչ գործակցութիւն է ունեցել մանաւանդ գրական անդրանիկ գործունէութեան ընթացքում, որ այդ երկու տնունները անբաժան են եղել պատմութեան մէջ և այդպէս էլ կը մնան միշտ:

Տառերի գիւտից անմիջապէս յետոյ, Ս. Սահակի ղեկավարութեամբ սկսուած է Թարգմանչական գործունէութիւնը. առաջին գիրքը հայերէն լինում է Աստուածաշունչը: Ս. Սահակի գրչին են պատկանում Աւագ շարաթի քաղցրահիւս շարականների մի մասը, Պատարագամատոյցը, Ժամագրքի և Մաշտոցի աղօթքներից շատերը: Աշխարհաթաղի կարգը, Բահանայաթաղն ու հոգեհանգիստն էլ Թարգմանի է ասորերէնից Ս. Եփրեմի աղօթքներից: Բացի գրանից ունի խրատա-

կան և յորդորական նամակներ, որոնցից ամենանշանաւորն է Կանոնը կոչուած գրուածքը, որ Վաղարշապատի ժողովից յետոյ Ս. Սահակ ուղարկեց Հայաստանի զանազան գաւառները, դրանք բաժանուած են վեց գլուխներ և ամենալուսաւոր կերպով բացատրում են եպիսկոպոսների, քահանաների, վանականների և այլոց պարտականութիւնները դէպի եկեղեցին ու ժողովուրդը: Իր գրուածքներում նա սաստիկ յանդիմանում է սուսմամատեցութիւնը, կաշտակերութիւնն ու անգթութիւնը:

Ս. Սահակի բոլոր գործերը աչքի են ընկնում իրենց պարզութեամբ ու մաքուր շնչով:

Այսպիսով Ս. Սահակ Պարթևը հիմք դրեց հայկական գրականութեան:

ՆՈՒՆԻՐ «ՀՈՐԻԳՈՆ»-ԻՆ

«Հորիգոնը» բարկացել է: Եւ ինչպէս է բարկացել...

Խեղճ մարդիկ, խեղճ թերթ:

Ես չեմ ծաղրում, այլ անկեղծօրէն ցաւում եմ, խղճում եմ «Հորիգոնին»:

Ես շատ լաւ հասկանում եմ այդ բարկութեան, այդ ջղային ճիչերի աստաւը:

Մարդիկ աշխատել են, քրտինք են թափել, երգուել-երգմնապատառ են եղել, որ էջմիածնին տիրեն հէնց այսօրուայ նրա տէրերը, աշխատել են համոզել ամենքին, որ էջմիածնի և հայ ազգի փրկութիւնը Գէորգ V-ի բնութեան և նրա այժմեան շրջապատողների մէջն է և անկարծ...

— Ha, пробыл...

«Գեմսօկրատ» յայտարարուած Գէորգ V-ը անտակա է, էջմիածնի դէպի կորուստ և անկումն է տանում, իսկ նրան շրջապատողները կեղտոտ մարդիկ են, որոնց պէտք է կախաղան բարձրացնել և ոչ թէ եպիսկոպոս ձեռնագրել...

— «Երկրպագում եմ այն ամենին, ինչի վրայ երէկ թքում էի, և թքում եմ այն ամենի վրայ, ինչին երէկ երկրպագում էի»— «Հորիգոնի» ցուցանակի վրայ խոշոր տառերով պէտք է գրուեն այդ խօսքերը:

Այս առաջին անգամը չէ, այս վերջին անգամը չէ լինելու «Հորիգոնի» կեանքում, երբ նա ցանկանում է այրել իր երեկուայ անցեալը, ամենքիս աչքի առջև կատարուած անցեալը...

Ս', ստախոսների յիշողութիւնը կարճ է լինում: «Հորիգոնը» սուտ էր ասում, երբ մի-երկու տարի սրանից առաջ ներբողներ էր գրում էջմիածնի այժմեան տէրերի հասցէին և նա այսօր արդէն մոռացել է իր երեկուայ ասածները, նա այսօր իր կումիրներին անդունդն է գլորում...

Եւ սրպիսի կատաղութեամբ, փրփրակալած բերանով...